



Broj: 04/5-02-1115/22

Datum: 2. 6. 2022. godine

ZAPISNIK

Sa 4. sjednice Vijeća nacionalnih manjina Federacije Bosne i Hercegovine, održane 24.6.2022.godine

Treća sjednica Vijeća nacionalnih manjina Federacije Bosne i Hercegovine održana je 24.6.2022.godine, sa početkom u 12,00 sati.

Prisutni na sjednici su bili sljedeći članovi: Hidajeta Redžić, Vladimir Lukačević, Bruno Palestra, Irma Muratović, Velibor Kuvač, Davor Ebner, Dejan Piotrovski, Dervo Sejdić, Violeta Džolan, Davorka Drijenčić, Nermin Geca i Zehra Obarčanin.

Sjednicom je predsjedavala gđa Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 4. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa treće sjednice Vijeća nacionalnih manjina FBiH;**
- 2. Očitovanje Vijeća nacionalnih manjina FBiH, koji je pripremila Komisija za ljudska prava i slobode Predstavničkog doma Parlamenta Federacije BiH,**
- 3. Tekuća pitanja.**

Gđa Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa 3. sjednice Vijeća nacionalnih manjina FBiH;

Predsjedavajuća Vijeća je upoznala prisutne članove na glasanje o usvajanju zapisnika sa druge sjednice Vijeća Nacionalnih manjina, napomenuvši da ukoliko neko ima primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

- 4. 2. Očitovanje Vijeća nacionalnih manjina FBiH, koji je pripremila Komisija za ljudska prava i slobode Predstavničkog doma Parlamenta Federacije BiH,**

Predsjedavajuća Vijeća Nacionalnih manjina je upoznala članove Vijeća o Nacrtu Zakona o zaštiti prava pripadnika nacionalnih manjina u FBiH, koji je pripremila gđa Miomirka Melank predsjednica komisije za ljudska prava i slobode Predstavničkog doma Federalnog parlamenta. Nacrt su svi dobili na mail prije sjednice, konstatovala je da je jako iznenadjena jer na zajedničkom sastanku u martu sa OSCE-om i predstavnikom Ministarstva pravde FBiH i gđa/gđica Melank, se dogovorilo nešto drugo. Predsjednica Komisije za ljudska prava i slobode Predstavničkog doma je dala rok od 10 dana da odgovorimo na ponudjeni dokument. te će tada Nacrt zakona proslijediti Komisija koja će na narednoj sjednici glasati o ovom Nacrtu, koji bi se nakon toga uputio ostalim učesnicima u procesu i u dalju parlamentarnu proceduru.

Presjedavajuća je zatim pročitala mišljenje gosp. Envera Išerića koji je bio na pomenutom sastanku ispred Ministarstva pravde, koje se u potpunosti slaže sa mišljenjem Vijeća nacionalnih manjina.

Tekst mišljenja:

Ovom prilikom želim da ukažem samo na dvije ključne stvari:

1. Priznavanje statusa nacionalnih manjina nije regulisano na odgovarajući način
 - a. U članu 3a propisano je da se priznavanje prava nacionalnih manjina odobrava zakonom, a u sljedećim stavovima da to pravo priznaje Mininistarstvo pravde FBiH svojom odlukom.Očigledno je da su u koliziji te dvije odredbe.
2. Ovo pitanje mora biti regulisano zakonom, a mišljenja smo da se treba urediti zakonom Bosne i Hercegovine.

Također, navedenim Nacrtom zakona nije na odgovarajući način riješeno pitanje izbora članova Vijeća nacionalnih manjina, odnosno nije jasno definirano koja udruženja (da li samo udruženja regostrovana na nivou Federacije) mogu predlagati kandidate i kako postupati , odnosno izvršiti izbor člana Vijeća kada je iz jedne nacionalne manjine regostrovano više udruženja, jer je u članu 17. propisano da Vijeće sačinjava po jedan predstavnik nacinalne manjine.

Osim toga zakon ima pravno-tehničkih manjkavosti.

Zbog toga je potrebno, prije upućivanja u parlamentarnu proceduru , a po našem mišljenju, još jednom detaljno razgovarati o ponuđenim rješenjima, a kako bi otklonili nedostatke ovog zakonskog prijedloga i izbjegli sve eventualne nejasnoće koje bi se pojavile u njegovoj primjeni.

Očigledno je da stručni obrađivač ovog Nacrta zakona nije uzeo u obzir naše primjedbe, sugestije i prijedloge koje smo iznosila na sastanku koji smo održali u martu 2022. godine.



Mi ćemo danas kao Vijeće nakon diskusije članova Vijeća donijeti jedan Zaključak koji ćemo poslati gospođi/gospođici Melank.

ZAKLJUČAK

Shodno sastanku kojeg smo imali u martu 2022. godine i na kojem smo iznijeli svoje primjedbe i dileme koje su prisutne u važećem zakonu a i ponudjenom dokumentu Nacrta Zakona, očigledno je da stručni obrađivač-predlagač ovog Nacrta nije uzeo u obzir sve primjedbe VNMFBiH, odnosno sugestije koje smo iznosili na istom.

Uzimajući navedeno u obzir, VNMFBiH, kao stručno, savjetodavno tijelo Parlamenta Federacije Bosne i Hercegovine, aktivno analizirajući ponuđeni Nacrt, nastavit će svoj snažan angažman na izmjeni i dopuni postojećeg Zakona. Shodno tome Komisiji za ljudska prava i slobode Predstavničkog doma Parlamenta Federacije BiH VNMFBiH će u najkraćem roku dostaviti svoje konkretne komentare i prijedloge na dostavljeni Nacrt Zakona.

3. Tekuća pitanja.

Po ovoj tački dnevnog reda nije bilo rasprave.

Sjednica je završena u 13,00 sati.

PREDSJEDAVALA VIJEĆA

Hidajeta Redžić